

Ho Hloka Phomolo le Bokoenihi



SABATHA MANTSIBOEA

Bakeng sa boithuto ba beke ena, bala: *Num. 11:1–33, Num. 12:1–13, Num. 13:27–33, Num. 14:1–23, 1 Bakr:10:1–11, Num. 14:39–45.*

Temana ea Khopolo: “Efela litaba tseo tsohle li ne li ba hlahele hore re ithute ka tsona, rōna ba hlahetsoeng ke mehla ea bofelo” (*1 Ba-Korinthe 10:11*).

Ka makholo a lilemo, batho ba bangata ba kile ba tlaleha boitsoaro bo makatsang, bo hlokanang phomolo lintjeng le phoofoolong tse ling tsa hae pejana ho tšisinyeho tse kholo tsa lefatše.

Ba-Mahlale joale ba se ba tiisitse hore liphoofole li khona ho utloela maqhubu a tšisinyeho ea lefatše ha e tla ba teng—maqhubu a khatello—a fihlang pele tšisinyehong ea bobeli. Sena mohlomong se ka thusa ho hlalosa hore na ke hobaneng liphoofole li tlalehiloe ne li bonahala li ferekane, le ho hloka phomolo, pejana tšisinyeho ea lefatše. Tse ling tsa liphoofole joalo ka litlou, li ka utloela molumo oa maqhubu le a fokolang le ho thothomela, hoo batho ba ka sitoang ho ho utloa hang.

Metsotsoana e ’maloa pejana ho tšisinyeho ea boholo ba 5.8-e ileng ea otlala tikolo ea Washington, D.C., ka Phato 23, 2011, tse ling tsa liphoofole setsing sa liphoofole sa Smithsonian Institution’s National Zoo li ile tsa qalella ho itsoara ka tsela e makatsang. Hara tsona ho ne ho le mofuta o mong oa litšoene o bitsoang *lemurs*, o ileng oa qalella ho lla haholo nako ea motsotso e leshome le metso e mahlano pejana lefatše le qalella ho sisinyeha.

Boithutong ba beke ena, re sheba e meng ea mehlala e makatsang ea batho ba hlokanang phomolo ho ileng ha tlisoa, e seng ke koluoa ea tlholeho joalo ka tšisinyeho ea lefatše, empa e le fela baetsalibe ba batho ba neng ba sa phomola ho seo Krete a fanang ka sona ho bohle ba tlang ho eena ka tumelo le ka kutlo.

**Bala thuto ea beke ena ho lokisetsa Sabatha la 10 Phupu.*

Ho Hloka Phomolo Lefeelleng

Israele e lokela e be e ile ea utloa ho hloka phomolo le thabo ha ba ne ba tloha Sinai tseleng ea bona ho ea Kanana. Nako e ka fetang selemo e ne e se e fetile joale e sa le ba tsoa Egepeta Egepeta (*Num. 1:1*). Ba ne ba le malala-a-laotsoe ho kena lefatšeng la pallo. Ba ne ba baliloe le ho hlophisoa. Ba ne ba bone lipotšo tse hlollang tsa mohau oa Molimo le lipontšo tsa boteng ba Molimo. 'Me sebaka sa pele ka mora ho tloha ha bona Sinai re ba fumana ba koma-koma.

Bala Numere 11:1–15. Ba-Israele ba ne ba koma-koma ka eng?

Ba-Iseraele ba ne ba lakatsa nama, mekopu, mahapu, ananyese, le konofolo tsa Egepeta. “Ke mang ea tla re fa nama, re je? Re sa hopotse lihlapi tsee re neng re li ja Egepeta re sa li reke, li likomkomere, le mahapu, le le sholoto, le lieie, le sefothafotha; 'me joale, meea ea rōna e omeletse; ha ho sa le letho; mahlo a rōna a se a bona manna feela!” (*Num. 11:4–6*). Ba tlameha hape e be ba ile ba angoa ke ho imeloa ke tlholohelo ha ba hopola lijo 'me ba lebala bokhoba le tšotleho e fetisang (*hapisa le Exoda 1*).

Ba ne ba feptjoa ke Molimo ka manna nako e ka fetang selemo joale; empa, ba ikutloa ba hloka phomolo 'me ba batla se seng. Le Moshe o ile a ameha. Ho leka ho etella batho ba hlokang phomolo ha ho bonolo. Empa Moshe o tseba eo a lokelang ho sheba ho eena. “A ke ka baka la'ng u soabisang mohlanka oa hao na? Ke ka baka la'ng ha ke sa ka ka fumana mohau pel'a mahlo a hao, ha e le moo u ntjarisa phahlo ea sechaba sena kaofela?” (*Num. 11:11*).

Ke joang Molimo o arabelang litletlebo tsee? Bala Numere 11:16–33.

Molimo ha se setholo hore a se utloe lithoko tsa rōna ha utloa re hloka phomolo. Tabeng ea ba-Iseraele, o ile a ba fa likoekoe ho kholisa ho lapa ha bona bakeng sa nama. Empa e ne e se nama seo ba-Iseraele ba neng ba se batla. Ha re se na thabo, le ho hloka phomolo, le ho ba le khalefo, seo re se halefetseng hangata ke pelo feela—e seng sesosa sa khohlano. Re ea loana hobane ho na le se seng se tebileng, se amang likamano tsa rōna. Iseraele e ile ea koenehela tataiso/boetapele ea/ba Molimo, se seng seo re lokela ho ba hlokolosi ka sona, ho sa natsoe boemo boo re leng ho bona, hobane ho bobebe ho etsa ho feta ho nahana.

Hobaneng ho le bonolo ho hopola tse fetileng e ka li molemo ho feta ka moo li neng li le kateng?

E ea Tšoaetsana

Bala Numere 12:1–3. Ke eng seo Miriama le Arone ba se halefetseng?

Hantle Miriame le Arone ba ne ba sa thabela mosali oa Moshe oa Kushe. Sefora e ne e le letsoa ntle le hlakang naheng ea Midiane (*sheba Exoda 3:1*). Le har'a ba hlomphehang ba ba-Iseraele semelo sa rōna se oeleng sea senoloa, 'me ke ka tsela e seng ntle ho hang.

Temana ea Bibeletse leha hole joalo, e bontša sena ha e le boikhakanyo ha e le hantle. Taba e khoho ea tletlebo ea bona e ne e le holima neo ea boporofeta. Temaneng e tllileng pele Molimo o ne a boletsetse Moshe ho khetha har'a ba-Iseraele baholo ba mashome a supileng ho thusa Moshe ho jara boima ba ho etellapele sechaba (*Num. 11:16, 17, 24, 25*). Arone le Miriame ba ne ba bapala karolo ea bohlokoa boetapeleng le bona (*Exoda 4:13–15, Mikea 6:4*), empa ke joang ba ileng ba tšosoa ke ntlafatso ea boetapele le hore ba re: “A ruri Jehova o buile ka Moshe feela na? Hleka ha a bue le ka rōna na?” (*Num. 12:2*).

Ke joang Molimo a arabelang tletlebo ee? Bala Numere 12:4–13. U nahana ke hobaneng ha Molimo o ile oa arabela ke tsela e tllileng joalo?

Karabo ea Molimo ke e potlakileng le e sa faneng ka sebaka sa botoloki. Neo ea boporofeta ha se sebetsa se ka sebelisoang ho tseka matla a mangata. Moshe o ne a loketse boetapele hobane o ne a ithutile hore o itšetlehile ho Molimo.

Taba ea hore Miriame o bitsoa pele ho Arone temaneng ea pele, e supa hore ka mohlomong ke eena ea tllileng ka tllhaselo eena ho Moshe. Nakong ena, Arone o ne a se antse a sebetsa e le moprista e moholo oa Iseraele. Ha a ne a ka otloa ka lepera, o ne a ke ke a kena le ho sebeletsa tabernakeleng lebitsong la sechaba. Kotlo ea Molimo ho Miriame ea lepera e fetisa molaetsa o hlakileng oa hore o ne a sa khahlola ke bona ka bobeli, 'me a thusa ka ho tllisa phetoho eo lelapa lena le neng le e hloka. Boipileto ba Arone bakeng sa hae, bo tllisa hore le eena, o ne a kentse letsoho (*Num. 12:11*), 'me ho e-na le ho soma le ho hloka botsitsa, re bona Arone a buelella Miriame, 'me re bona Moshe a kena lipakeng bakeng sa hae (*Num. 12:11–13*). Bona ke boitšoarō boo Molimo a batlang ho bona sechabeng sa hae. Ua utloa 'me o folisa Miriame.

Leha kamehla ho le bonolo ho ka hlasela boetapele ba kereke, boemong bofe kapa bofe, ke joang kereke le bophelo ba rōna ba semoea li ka bang betere, ha e ne e ba, ho e na le ho tletleba, re ne re tlla buella le ho kena lipakeng bakeng sa boetapele ba rōna leha re e bile re sa lumellane bona?

Ho Hloka Botsitso Ho etella Koeneho pele

Pale e qala ka karolo e ntle. Ba-Iseraele qetelling ba fihlile malibohong a Kanana, 'me lihloela tse leshome le metso e 'meli li romeloa ho hloella naha. Tlaleho ea bona ea hlolla.

Bala tlaleho ea lihloela ho Numere 13:27–33. Ke ntlheng efe moo litebello tsa ba-Iseraele li ileng tsa fela?

Le har'a liteko tsa Kebele tsa ho kena lipakeng, mantsoe a ba korotlang le ba belaelang a hlola. Iseraele ha a tsoe ho hapa seo Molimo a ba tšepisitseng sona. Ka hloka phomolo lipelong, ba khetha ho lla le ho koma-koma ho e-na le ho tsamaea le ho hooa ka thabo ea tlhola.

Ha se na phomolo kapa botsitso lipelong, re sitoa ho tsamaea ka tumelo. Ho hloka botsitso, leha ho le joalo, ha ho ame fela maikutlo a rōna. Boramahale ba re bolella hore ho na le mola o otlohohileng oa sesosa le litlamorao lipakeng tsa phomolo e fokolang (ho kenyeletsa ho se robale) le liqeto tse fosahetseng, tse tsoalang botenya bo tletseng, bokhoba, le ho hloka phomolo le thabo ho eketsehileng.

Bala Numere 14:1–10. Ho ile ha etsahalang ka mora moo?

Lintho li mpefala ho feta. Boipiletso bo mahlonoko ba Kalebe, “Feela, le se ke la ikhantšetsa Jehova” (*Num. 14:9*), bo feta bo sa utluoa, 'me phutheho eohle e itokisetsa ho tlepetsa baetapele ba bona. Ho hloka phomolo ho etella pele borabele, 'me borabele qetellong bo isa lefung.

“Lihloela tse sa tšepahaleng li ne lile lerata ho latoleng Kalebe le Joshua, 'me ho hooa ha bona ha phahamela hore ba ba tlepetse ka majoe. Sehlopha se neng se lahlehetsoe ke kello sa nka libetsa ho bolaea banna bao ba tšepahalang. Ba mathela pele ka mehoo ea bohlang, ha hang ka ho panya ha ntš'i majoe a oela matsohong a bona, letsoso la ba oela holimo, 'me ba thothomela ke tšabo. Molimo o ne a kene ho bona morero oa bona oa polao. Khanya ea boteng ba hae, joalo ka khabo ea mollo, e bonesang tabernakele. Batho bohle ba bona pontšo eo ea Morena. Ea matla ho ba feta o se a itlhaahisitse, 'me ho ne ho se ea ka tsoelang pele ho mo hanyetsa. Lihloela tse tlisitseng bobele bona tsa otloa ke tšabo e kholo, 'me ka ho hemela holimo hohle ba ipata litenteng tsa bona.”—Ellen G. White, *Patriarchs and Prophets*, p. 390.

Hona moo, leha ho le joalo, khanya ea Morena ea bonahala. Ha re bala pale ena ho Numere 14, ho shebahala e-ka pono ena eohle e ile ema tsii! 'me joale re tlo mamela puisano ea Molimo le Moshe. Molimo o lemoha hore leha majoe a nketsoe ho tlepetsa Moshe, Kalebe le Joshua, ha e hantle bokoenihi bona bo tobisitsoe ho Molimo ka sebele.

'Muelli

Ke monyetla ofe oo Molimo a fanang ka oona ho Moshe Nakong bokoinihi bo? Bala Numere 14:11, 12.

Molimo o rera ho timetsa ba-Iseraele le ho etsa sechaba se secha ka Moshe e le ntat'a bona bohle.

Ke joang Moshe a arabelang bokoini bo totobetseng boo, e seng khahlanong le eena empa khahlanong le Molimo? (Num. 14:13–19).

Ona ke oona monyetla oo re tlo bona monn'a 'nete oa Molimo. Karabo ea Moshe, ka hara nako, e shebela pele 'muelli eo, lilemo tse ka fetang 1,400 ha morao, a tlang ho rapella barutuo a hae matšoenyehong a bona (*Johanne 17*). Ruri, ho seo Moshe a se entseng mona, liithuti tse ngata tsa thuto-Molimo le tsa Bibe le bone mohlala oa seo Krete a re etsetsa'ng sona. Molato oa bona, molato oa rōna, ha o botsoe. 'me leha hole joalo, Moshe oa ba buelella o re: “ka boholo ba mohau oa hao” (*Num. 14:19*), ka kopo tšoarella sechaba sena. 'Me joalo ka ha Molimo a entse ka nako eo ka baka la bokena lipakeng ba Moshe, o etsa joalo bakeng sa rōna ka baka la Jesu, ka baka la lefu la hae le tsoho ea hae, le bobuelli ba hae bakeng sa rōna.

Ka hona Moshe oa ba buella: “U tšoarele bokhopo ba sechaba sena ke hona, ka boholo ba mohau oa hao, kamoo u seng u ile oa tšoarella sechaba sena kateng, ho tloha Egepet, ho fihlela mona” (*Num. 14:19*). Mohau o hlola bokoinihi le ho hloka phomolo ka matla. Tšoarello e fana ka qalo e ncha.

Leha ho le joalo ke ka theko. Mohau ha o ka ke oa ba theko e bobebe. Leha ba tšoaretsoe, batho ba tla tobana le litholoana tsa bokoinihi ba bona, 'me moloko oo o ke ke oa kena lefatšeng la pallo (*Num. 14:20–23*).

E, Molimo o tla ba boloka lilemo tse ling hape tse mashome a mararo a metso e robileng meno e 'meli lefelleng. O tla ba fepa. O tla bua le bona ho tsoa sehalalolong. O tla ba lehlakoreng la bona lefelleng. Empa leha ho joalo ba tla shoa, 'me moloko o mocha o ne o tla nka lesokoana le ho fumana phomolo lefatšeng la pallo.

Ho utlohahala e ka ke kahlolo; empa ha e le hantle, ehlile ke mohau. Ke joang moloko ona o ka khonang ho hlola metse e matla ea Kanana ha e ba so ka ba ithuta ho mo tšepa? Ke joang e ka bang leseli lichabeng ha ka bo bona ba ntse ba khoptjoa ka bo bona lefifing?

Ke lithuto life tse thata tseo u ithutileng tsona ka litholoana tsa sebe se tšoaretsoeng?

Tumelo Khahlanong le Tumela-Khoela

Ke ho tšoana hofe hoo u ho bonang ho lelereng ha Iseraele lefelleng le batho ba Molimo ba phelang pejana ho hotla labobeli ha Jesu? (Sheba 1 Ba-Kor. 10:1–11.)

Nalaneng eohle, sechaba sa Molimo se 'nile sa lelera lefelleng ha se ntse se batla lefatše la pallo. Lefella lena le na le libopeho tse ngata. Ha joale, le bonahala e ka letoto le se nang bofelo la melaetsa e kenang khafetsa, le molumo o tebileng oa ho inyakalatsa. Le leka ho hohella linthong tsa mapona-pona e ka ke lerato le ho ipokella maruo e ka ke karabo mathateng a rōna. Ha re ne re ka atleha hantle 'meleng, ra ba ba sa holeng 'meleng, ra ba le lintho tsohle kapa chelete e ngata, ra ba le khoheli thobalanong—mohlomong hoo ho ne ho ka fihlela mathata oohle a rōna.

Joalo ka ba-Iseraele, ha re na phomolo ho batleng khutso ha rōna, 'me hangata re e batla libakeng tse fosahetseng.

Ba-Iseraele ba ile ba arabela joang kahlolo ea Molimo ho Numere 14:39–45?

Karabelo ea Iseraele kahlolong ea leholimo ea makatsa. “Re sitiloe,” ba rialo. “re tla nyolohela lefatšeng le boletsoeng ke Jehova” (Num. 14:40).

Boitlamo bo sa phethahaleng bo joalo ka kentelo e e tsamaisoang bohlasoa—ha bo sebetse. Kajeno, lingaka li khothaletsa kentelo ea *Hepatitis B* hang ka mora pelehi Nakong ea lihora tse mashome a mabeli a metso e mene tsa pele tsa bophelo. Ke qalo e ntle eo. Leha hole joalo, ho latela kentelo ea pele, haeba ho se na tse peli kapa tse tharo tse matlafatsang kentelo eo tse fanoeng ka nako e nepahetseng le ka litekanyo tse loketseng, e ba haho tšireletso ea letho khahlanong le Hepatitis B.

Ho khutla Borabeleng ha Iseraele ho tlalehiloeng litemaneng tsa ho qetela tsa Numere 14, ho tlisa lefu le ho phoqeha ha ba-Iseraele joale ba sa amohele taelo e ncha ea Molimo 'me ba satalatsa melala ho hlasela ntle le areka ea selekane kapa boetapele ba Moshe.

Tumela-khoela e theko e boima; 'me e isa lefung. Hangata, tumela-khoela e susumetsoa ke tšabo. Ka hobane re tšaba se seng se itseng, re etsa liqeto tseo ha morao re ikoahlang.

Nahana ka nako u kileng oa etsa ka tumelo le moo o ileng oa nkeha ka tumela-khoela. Phapano e bile e fe e kholo?

Ho Ithuta Haholoanyane: “Joale ba ne ba bonahala e ka ruri ba bakile boitšoarong ba bona ba sebe; empa ba ne ba utloile bohloko ka lebaka la tsela ea bona e khopo ho e-na le boikutlo ba ho hloka teboho le kutlo. Ha ba fumana hore Molimo ha a khutla taelong ea hae, boikakaso ba bona ba tsoha, ’me ba phatlalatsa hore ba ke ke ba khutlela lefelleng. Ka ho ba laela ho se hlasele lefatše la lira tsa bona, Molimo o ne a leka boinehelo ba bona ba ka nako eo ’me a fihlela hore e se ba ’nete. Ba ne ba tseba hore ba sitiloe haholo ka ho lumella boikutlo ba bona bo ba laole le ho batla ho timetsa lihloela tse neng li ba qekela ho utloa Molimo; empa ba ile ba thothometsoa ke ho fumana hore ba entse phoso e tšabehang, eo litholoana tsa eona li bonahetseng hore li ba tlisetsa tlokotsi. Lipelo tsa bona li ne li sa fetoha, ’me ba ne ba ipatlela lebaka la ho hlahisa se tšoanang. Sena se ile sa itlhlaha ha Moshe, ka taelo ea Molimo, a ba laela hore ba khutlele lefelleng.”—Ellen White, *Patriarchs and Prophets*, p. 391.

“Empa tumelo ha ho ka tsela eo e ka tsamaisang le tumela-khoela. Hobane tumela-khoela ke leano la Satane ho etsa ntho e kang eona. Tumelo e batla lipallo tsa Molimo, le ho tlisa litholoang kutlong. Tumela-khoela le eona e batla lipallo, empa ho li sebelliga joalo ka Satane a entse, ho emela bokhopo. Tumelo e ka be entse hore batsoali ba rōna ba pele ba tšepe Molimo, le ho utloa litaelo tsa hae. Tumela-Khoela ea etsa hore ba tlole molao oa hae, ba lumela lerato la hae le khaphatsehlang le tla ba boloka litholoaneng tsa sebe. Ha se tumelo e batlang melemo ea leholimo ntle le ho ikobela liphelelo tseo mohau o tla ajoa kateng. Tumelo ea sebele e na le metheo eateng lipallong litšepisong tsa mangolo.”—Ellen G. White, *The Desire of Ages*, p. 126.

Lipotso tsa Puisano:

- ① Buisanang ka phapano lipakeng tsa tumelo le tumela-khoela. Hobaneng ho hapa lefatše la Kanana pele e lokela ho bonoa e le ketso ea tumelo ’me ha morao, ha ba-Iseraele ba hlasela, ho bonoa e le ketso ea tumela-khoela? Ke joang sepheo le maemo li bapalang karolo e kholo phapanong e lipakeng tsa tumelo le tumelo-khoela?
- ② Lula haholo tabeng ea hore leha sebe se ka tšoareloa, hangata re lokela ho phela le litholoana tsa libe tseo. Ke joang u ka thusang ba lubang le ho tseba hore ba tšoareletse sebe seo, leha ho le joalo, li ntse li ba ama ka tsela e seng monate, ’me ka mohlomong, le barutuo ba bona?